

## 49. gr.

116

Þegar arfaskipti fara fram eftir óðalsbónda, er keypt hefur óðalseign sína, sbr. 15., 17., 29., 32. og 47. gr., geta erfingjar hans krafizt, að til skipta komi  $\frac{2}{3}$  þess verðs, er hann greiddi fyrir jörðina, að frádregnum áhvilandi skuldum, er viðtakandi óðalsbóndi tekur að sér, og enn fremur  $\frac{2}{3}$  af matsverði þeirra umbóta, er gerðar hafa verið á jörðinni síðustu 10 árin.

## 50. gr.

Nú hefur erfðaábúandi keypt jörð sína og gert hana að ættaróðali, og fellur hún þá að öllu undir ákvæði laga þessara um ættaróðal og erfðaábúð.

## 51. gr.

Um þau atriði, er lúta að afhendingu og úttekt jarða og ekki er sérstaklega kveðið á um í lögum þessum, skal fara eftir ákvæðum ábúðarlaganna.

## 52. gr.

Brot gegn lögum þessum varða sektum frá 200—5000 kr.

## 53. gr.

Með lögum þessum eru úr gildi numin lög nr. 8 frá 1. febrúar 1936, um erfðaábúð og óðalsrétt, svo og önnur lagaákvæði, er koma í bága við lög þessi.

## 54. gr.

Lög þessi öðlast þegar gildi.

*Gjört í Reykjavík, 30. desember 1943.*

**Sveinn Björnsson.**

(L. S.)

*Vilhjálmur Þór.*

## L Ö G

117

um viðauka við lög nr. 56/1933, um viðauka við og breyting á lögum nr. 68/1917, um áveitu á Flóann.

30. des.

## RÍKISSTJÓRI ÍSLANDS

*gjörir kunnugt:* Alþingi hefur fallizt á lög þessi og ég staðfest þau með samþykki mínu:

## 1. gr.

Ríkisstjórninni er heimilt að selja lönd, er látin hafa verið af hendi upp í áveitukostnað á Flóaáveitusvæðinu, fyrir það verð, er Búnaðarfélag Íslands metur, þó aldrei lægra en sem svarar afhendingarverði þess til ríkissjóðs.

Skilyrði fyrir sölunni eru:

- Að landið sé ekki til þess fallið að reka á því sjálfstæðan, lífvænlegan búskap, hvorki einu út af fyrir sig né í sameiningu við önnur lönd, sem kostur er á, að dómi nýbýlastjórnar.
- Að landsins sé ekki þörf til notkunar frá nærliggjandi kaптúnunum. Þörf þeirra til landsins kemur þó því aðeins til greina, að þau hafi aðstöðu til að notfæra sér það, og skal um hvort tveggja hlíta úrskurði Búnaðarfélags Íslands.
- Að hlutaðeigandi hreppsnefnd mæli með sölunni.

117

30. des.

2. gr.

Nú er land selt, og skal þá sá jarðareigandi hafa forkaupsréttinn, er mesta þörf hefur á, að dómi Búnaðarfélags Íslands, að leggja það undir býli sitt af þeim, er auðvelt eiga með að hirða um landið og notfæra sér það á allan hátt, enda leggi hann það undir jörðina.

3. gr.

Lög þessi öðlast þegar gildi.

*Gjört í Reykjavík, 30. desember 1943.*

**Sveinn Björnsson.**

(L. S.)

*Vilhjálmur Þór.*

118

30. des.

## L Ö G

um veiting ríkisborgaréttar.

RÍKISSTJÓRI ÍSLANDS

*gjörir kunnugt:* Alþingi hefur fallizt á lög þessi og ég staðfest þau með samþykki mínu:

Ríkisborgarétt skal öðlast:

Unnur Skúladóttir Thoroddsen, frú, Kaupmannahöfn, fædd á Íslandi.

*Gjört í Reykjavík, 30. desember 1943.*

**Sveinn Björnsson.**

(L. S.)

*Einar Arnórsson.*

119

30. des.

## L Ö G

um breyting á lögum nr. 61 4. júlí 1942, um málflytjendur.

RÍKISSTJÓRI ÍSLANDS

*gjörir kunnugt:* Alþingi hefur fallizt á lög þessi og ég staðfest þau með samþykki mínu:

1. gr.

Síðasta málsgrein 14. gr. laganna orðist svo:

Lögfræðingar, sem skipaðir hafa verið í fasta dómarastöðu eða skipa má í fóst dómaraæti samkvæmt 32. gr. laga nr. 85 23. júní 1936, um meðferð einkamála í héraði, skulu undanþegnir ákæðum 6. tölul. þessarar greinar.

2. gr.

Lög þessi öðlast þegar gildi.

*Gjört í Reykjavík, 30. desember 1943.*

**Sveinn Björnsson.**

(L. S.)

*Einar Arnórsson.*